

Akilerarusiinernik Aalajangiisartut aalajangiinerat:

Ilisarnaat:	2016-13764
Aalajangiisoqarpoq:	novembari 9, 2017
Aalajangiinerup tamanut saqqummiunneqarnera:	
Ukiut isertitaqarfiusut:	2012, 2013 aamma 2014
Sammissaq:	Akileraarutit
Sammissami oqaatsit atorneqartut:	Biileqartitaaneq - biili sullivittut aaqqissugaq

Eqikkaaneq

Naammagittaalliornermi pineqarpoq biileqarnerup akilerarusigaanera. Naammagittaalliortup paasininnera naapertorlugu biili sullivittut aaqqissugaasutut isigineqartariaqartoq. Akilerarusiinernik Aalajangiisartut aalajangiusimavaat Akileraartarnermut Aqutsisoqarfiup aalajangiusimasaa biileqartitaaneq 60.000 kr-imut angissusilerneqassasoq, biili inuussutissarsiummut atornissaanut ilisivinnik.il.il. aalajangersukkanik aaqqissorluagaannginnera pissutigalugu.

Suliami pissutsit piviusut

Naammagittaalliortoq ingerlatseqatigiiffimmi pingaarnertut piginneqataavoq, nalunaarsorsimavaat biilit usisaatit mikinerit biililu usisaat.

Biilit marluk assilineri nassinneqarsimpput

Biili aappaa Toyota usisaataavoq ilisivinnik aalajangersukkanik peqanngitsoq, sulilluni atortussat biilip naqqanut inissinneqarsimallutik.

Biilip aappaa Toyota ammaannartumik usisarfilik sulilluni atortut usisarfianiillutik.

Naammagittaalliuuteqartup paasinninnera

Naammagittaalliortup paasinninnera naapertorlugu, biilit pineqartut namminerisamik biilernissamut atorneqarsinaanngillat taamaallaat sulilluni atorsinaallutik.

Biilit aaqqissorluagaanngillat pissutigalugu inuussutissarsiuutigisami oqimaatsunik assartuineq pisariaqarmat ilisivinnut ilineqarsinnaanngitsunik. Inuussutissarsiummut atugaanerminni biilit ipertuujupput namminerisamik biilernissamu atorsinnaanatik.

Eqqartuussiviit sulinissaannut malittarisassat aamma eqqartuusseriaaseq atuuttoq innersuusutigineqarput

Akeqanngitsumik biileqartitaanerup sulisitsisumit atugassanngortinneqarsimasup nalinga, isertitaavoq akileraaruteqaataasussaasoq. Biilini sullivittut aaqqissukkanut qamutinullu motoorilinnut immikkut ittunut namminerisamik biilernerup nalinga annertussusilerneqassaaq inuinnaat biiliinut namminerisamik biilernermi naligitap affaanut, tak. Aningaasarsianit akileraarutit pillugit Inatsisartut inatsisaani nr.

12, 2. november 2006-imeersumi aamma Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaanni nr. 3, 30. november 2009-meersumi § 13, imm. 1 aamma § 19 naapertorlugit.

Biilit sullivittut aaaqqissukkat assigiimmik nassuiaatigineqarput § 19-imi aamma immi. 1.2.1-ip oqaaseqaataani. akeqanngitsumik biileqartitsinerup akileraarutitigut suliarineqartarnera pillugu kaajallaasitaq nr. 1, 17. september 2012-imeersumi.

1.2.1. Biilnut sullivittut aaaqqissukkannut qamutinullu motoorilinnut immikkut ittunut allanut ukiumoortumik naligitinneqartoq, tak. § 19, imm. 5, titarneq siulleg.
Biilit sullivittut aaaqqissukkat imatut paasineqassapput tassaasut biilit karsiusat aalajangersukkanik ilisivillit kiisalu aalajangersukkanik sannatilittut aaaqqissuussat.

Akileraarusiinernik Aalajangiisartut aalajangiinerat tunngaviliinerallu

Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi § 19-mut innersuussinermi ingerlatseqatigiiffiup biilii sullivittut aaaqqissukkatut akileraaruserneqarsinnaanngillat aalajangersukkanik ilisivillittut il.il aaaqqissugaanngimmata.

Taamaattumik naammagittaalliortoq biileqartitaasutut akileraartinneqassaaq, sullivittut aaaqqissukkatunngitsoq .

Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi aamma Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaanni nr. 3, 30. november 2009-meersumi § 13, imm. 1 aamma § 19 naapertorlugit.